

# بکھر چھوٹے

(سرائیکی شعری مجموعہ)

محمد سلیم احسن

پاکستانی بہاناں دی شاعری ساڈے ہووٹن دی  
 گواہی عہ اسال آپنی سمرت سادہ انہاں ایں مزار  
 راہواں گولیندے آں۔ ساڈا چھوٹ، ساڈی ریتل  
 تے ساڈی حیاتی دامہاندرا ایں وچوں انگھڑے۔  
 شاہ لطیف، وارث شاہ تے خواجہ فرید ایں بیت  
 دے ٹھڈے مٹھڑے مہاٹن دریاہن چھتے  
 اسال آپنی تریہہ لہاندے آں۔

سیدم احسن نویں نسل دے انہاں شاعر ایں  
 وچوں بہن چھڑھے ایں گل دا ڈاڈا شعر رکھن  
 انہاں دی شاعری آپنے آس پاس دی ریتل نال وگی  
 اوئی ع۔

انہاں دیاں نظمیں، گیتاں تے ڈھولال پُرح  
 روہی دے موسم تے تھل دیاں سیکاں۔ ہک  
 وڈے تے دکھرے سفنہ دی رس دیاں چساں  
 ڈیندیاں ونڈیاں بہن۔ عہ شاعر سرائیکی زبان نال  
 لاڈ کریندے تے ایں کول اچوکیاں تے نویاں سمر ایں  
 دا اچھ ڈیندے۔

سرمہ صہبائی



# جکھر جھولے



سُرایی مجموعہ کلام



سلیم حسن



میانونالی اکیڈمی، میانونالی

تاریخ اشاعت: ۱۹۸۳ء

## سمجھتی لکھاری کیتے

نام کتاب	جکھر ٹھہو لے
لکھاری	سلیم احسن
سُرورق	غلام رسول - ندیم قاصر اتھوی
کتابت	اعجب از کھوکھر
چھاپن آ لے	مکب ویو، راولپنڈی
طباعت	ایس۔ بی۔ پرنٹرز - راولپنڈی
مل	۲۵ روپے

کتاب ملج داپتہ

میانوالی اکیڈمی، سرائف مسلم بازار، میانوالی  
مکب ویو، سیروز سینما بلڈنگ جیڈ روڈ، راولپنڈی

**PDF By: Ehsan Awan**

**Cell No.: 0345-8711418 , 0302-7642151**



والد محترم دے نانویں

# جاکھڑ جھولے

۶۱۹۸۴ ————— ۶۱۹۷۹

# گھنڈ

---

عقیدتاں

۲۱ غزلاں

۹۱ گھاؤٹ

۱۱۹ تاثرات



## حمباری تعالیٰ

پھل کلیاں تے پوٹے سارے  
گھٹا ودھدا چن تے تارے  
گاجاں تے نالے شکارے  
اوند اڈیہنہ تے اوندی رات  
رب سوہنے دی اچّی ذات

ساوٹ بدھاروں وسدا مہنیہ  
چڑھدا، ڈھلدا، لاھندا پھینہ  
گھائے جنگل، گجرا شینہ  
چار چودھاروں اوندی ڈات  
رب سوہنے دی اچّی ذات

وگدے دریا ساوے کھیت  
جکھڑ جھولے بجھدی ریت  
کھنڈ دی خوشبو و سدا چیت  
اوندی حکمت دی ہک جھات  
رب سوہنے دی اچھی ذات

ججھ ججھتے غرضال دا پھندہ  
مطلب دا کم مارٹھا منہ  
دنیا ہے بس کوڑ دا دھندہ  
بندے دی کیڑھی اوقات  
رب سوہنے دی اچھی ذات

اوندے نال وچہ سارے سُکھ  
ٹک ویندا ہے ہک ہک ڈکھ  
ذکر کرے چاچا نن مُکھ !  
حشر ڈیہاڑے ملے نجات  
رب سوہنے دی اچھی ذات

حسالتی، مالک تے ستار  
او رحمن او بخشش ہمار !!  
کیڑھا صفتاں کرے شمار  
وڈھی بگل تے چھوٹا وات

رب سوہنے دی اُچھی ذات  
اُول دے نانویں کُل صفات



# صلی اللہ علیہ وآلہ وسلم

سوہنے نبیؐ دی شانِ حُسنِ ادا کمال ہے  
کیس کوں ہے دعویٰ نالِ داکیندی مجال ہے

عظمتِ تیبہؐ ہی ہے ڈوہاں جہاناں دے واسطے  
اُتھے کوئی مثال نہ اُتھے مثال ہے

پیلہ ہے ڈیہنہ تے چن وی ہے داغی تے میلڑا  
بے عیب جگ جہان تے تیبہؐ اجمال ہے

مُکھ نور، ہونٹھ لال تے والیل زلف ہے  
تیبہؐ احسن تاں رب دانرا لاخیال ہے

پہول اوپر اسرور تے نشہ ہے پیار دا  
قربان ہے اویس تے صدقے بلالؓ ہے

برکت دا بھر یا شہر خزانہ ہے پیار دا  
یہ شرب دی مٹھڑی مٹھڑی ہوا خوش خصال ہے

یاد داں دے ایں کرم تے میں جن گھوڑے کراں  
ہر ویلے کول کول ہے بھٹ بھٹ وصال ہے

آسن کول سوہٹا تپڑی شفاعت دی ٹیک ہے  
دل وچہ جہنا سزا دانہ کوئی خیال ہے

---

## مولا علیؑ دی شان اچ

شان بٹا وے ماٹن و دھا وے آکھو لو کو! علیؑ! علیؑ!  
ذکر علیؑ دایسکھ جگا وے آکھو لو کو! علیؑ! علیؑ!

عناں بٹن ڈکھیاں دا سنگتی ڈھیر تسرے ڈیوے  
جندرمی دے کل در دسکا وے آکھو لو کو! علیؑ! علیؑ!

باہ کے خاک تے پا کے تن تے کپڑے ٹاکی ٹاکی  
اسماناں دے بھیت ڈسا وے آکھو لو کو! علیؑ! علیؑ!

شہر علم دا پاک محمدؐ پوہا اوند جیسے در  
با جھ علیؑ کوئی خن نہ پا وے آکھو لو کو! علیؑ! علیؑ!

شیخ جیلانی، داتا، چشتی، صابری، جامی، بابو  
ہر منگتے کوں ولی بٹا وے آکھو لو کو! علیؑ! علیؑ!



او دشمن دی ویڑھ دے دپہ وی سکھ دی پندر سے  
پیار دا کیتا قول نبھاوے آکھو لو کو! علیٰ علیٰ!

دشمن دا دل تھہ تھہ کنبہ چھوڑ کے ہمت بھیجے  
ہک نعرہ چاکم ڈکھاوے آکھو لو کو! علیٰ علیٰ!

جنگ وچ شیر تے مجلس اندر سب قول ودھ کے دانا  
کوٹن معتم علیٰ داپا وے آکھو لو کو! علیٰ علیٰ!

حق علیٰ ہے حق داناں ہے حق داسنگتی ہر دم  
حق دامن وچہ ہونا لاوے آکھو لو کو! علیٰ علیٰ!

ہن تفسیر مجبّت والی چارے یار نبی دے  
کوٹن انہاں دافرق ڈساوے آکھو لو کو! علیٰ علیٰ!

دل جو گھنے عرناں سوہنا خوشبو خوشبو تھیوے  
احسن دم دم ورد کھاوے آکھو لو کو! علیٰ علیٰ!

## حق داپاندھی

سارے قرض لہاؤں غم دے آیا ہے  
ابن علیٰ وچ کر بل دیرہ لایا ہے

رت آپنی دی کس دھ اُساری کوٹ اگے  
ڈک کے رستہ کُفر دا زور ونجایا ہے

جند نمک ونچے، بھاویں کنبہ لٹ ونچے  
رب دی مرضی اگے سر نیوڑایا ہے

صبر دی حد وی ایں توں ودھ کے کیا ہوئی  
سامنے اپنے ہک ہک پال کو مایا ہے

کیتے موت حوالے، ٹوٹے دل آ لے  
در توں گھس تیں حق پچھے لٹوایا ہے

بھک تہس ہے نہ بندڑی داکوئی چننا ہے  
عشق دی ریت کول ودھ ودھ توڑ پڑھایا ہے

بل اُحیا، دی توں تفسیر حقیقت ہیں  
بہول مل سچا بھوک فنا دالایا ہے

گالی بنیا ظلم یزید دا ہر پاسے  
پڑھ بسم اللہ نال تیرا جگ چایا ہے

حق تے مرنا احسن اصل جیاتی ہے  
رستہ سب کول تین شبیر دکھایا ہے

---

## اولے گھولے

چن تے نالے تاراں توں جند اولے گھولے  
پاک نبی تے یاراں توں جند اولے گھولے

افضل نال صدیق، عُمید، عثمان، علی دے  
ہک ہک نالے چاراں توں جند اولے گھولے

بوذر، سلمان، طلحہ، خالد، سعد، حذیفہ  
پھل کلیاں دے ہاراں توں جند اولے گھولے

ہک ہک ہال کوہا پاہے جیس کر بل اندر  
پاک نبی دے پیاراں توں جند اولے گھولے

رُوپ ددھایا جیس وحدت دے گلزاراں دا  
پنجتن نالے ہاراں توں جند اولے گھولے



سوہنے دے اصحاباں دی بہوں شان نرالی  
دریا نالے دھاراں توں جند او لے گھولے

جان لٹاؤن اکھ دے ہک اشارے اُتے  
سارے عشق دے ماراں توں جند او لے گھولے

ہیں دی خوشبو اچ وی چائے پائے گھلے  
پھلاں تے گلزاراں توں جند او لے گھولے

سیرت تے کردار چنہاں دے رہبر ہادی  
احسن نور نظاراں توں جند او لے گھولے

## ڈھولا سوہنی وستی دا

پھل کلیاں تے گلزاراں دی  
میٹھا دیس ہے جھوک بہاراں دی

اتھ دن دن دے پھل ترپ دے ہن  
مُشکاں دے جھوٹے کھڑ دے ہن  
دھرتی نور نظاراں دی  
میٹھا دیس ہے جھوک بہاراں دی

اتھ میوہ پھل پھل جنت دا  
دوسرا گھر سکھ راحت دا  
چھاں ہے دھپ دے ماراں دی  
میٹھا دیس ہے جھوک بہاراں دی

روہ، دریا، ماکھی کھنڈ دے ہن  
اتھ موسم سونا ونڈ دے ہن  
ہے راہ نعلال دے ہاراں دی  
میٹھا دیس ہے جھوک بہاراں دی

ہر پاسے منتظر خوشیاں دا  
عِمان سہارا ڈکھیاں دا  
آس ہے لوکاں ساراں دی  
مید اڈیس ہے جھوک بہاراں دی

عِ عشق دی وکھری منزل ہے  
ایمان دا سوہنٹا حاصل ہے  
غیت ہے جی داراں دی  
مید اڈیس ہے جھوک بہاراں دی

بخشش رب دی رحمت دی  
ڈاٹ نبی دی شفقت دی  
برکت پاک سپاراں دی  
مید اڈیس ہے جھوک بہاراں دی

بہوں مٹھڑی تے بہوں پیاری ہے  
دل گھولے، جھنڈی واری ہے  
ہے دستی آسن یاراں دی!  
مید اڈیس ہے جھوک بہاراں دی



ہم کو چاہئے کہ ہم اپنے لئے ماہرین سے مشورہ لیں  
وہ جو کہنے سے دھڑکتے ہیں کہ ان کے کلمات سے غریب لکھیں

پہلے وہ لکھتے ہیں کہ ان کے کلمات سے غریب لکھیں  
پہلے وہ لکھتے ہیں کہ ان کے کلمات سے غریب لکھیں

ہم کو چاہئے کہ ہم اپنے لئے ماہرین سے مشورہ لیں  
وہ جو کہنے سے دھڑکتے ہیں کہ ان کے کلمات سے غریب لکھیں

ہم کو چاہئے کہ ہم اپنے لئے ماہرین سے مشورہ لیں  
وہ جو کہنے سے دھڑکتے ہیں کہ ان کے کلمات سے غریب لکھیں

## غزلاں

ہم کو چاہئے کہ ہم اپنے لئے ماہرین سے مشورہ لیں  
وہ جو کہنے سے دھڑکتے ہیں کہ ان کے کلمات سے غریب لکھیں



ڈکھ سچناں دے ساہندے ساہندے عُمرال لنگھیاں  
دھکڑے دھوڑے کھاندے کھاندے عُمرال لنگھیاں

چھاں دی ٹیک نہ ساڈے لیکھ مُتدراں اندر  
بوٹے ساوے لاندے لاندے عُمرال لنگھیاں

بھٹ وچ پھوڑ کے ساکوں او بیگانہ بُسیا  
موت کوں نیڑے آندے آندے عُمرال لنگھیاں

دھوڑ ہے اج وی آسے پاسے آساں آلی  
راہواں کول لکھ پاہندے پاہندے عُمرال لنگھیاں

اج دی اول آواز دے پچھے پچھے پھیراں  
کندھاں راہ دیاں ڈھاندے ڈھاندے عُمرال لنگھیاں



خس تاثیر نہ لو کو میٹھے سے جذباں اندر  
ڈھولے پیار دے گاندے گاندے عُمرِاں لنگھیاں

پیر جو ٹکے او وی تپدے مٹھلاں اُتے  
اسماناں تول لاہندے لاہندے عُمرِاں لنگھیاں

اُج وی آخن منظر ہجر دے صحرا والے  
ہنجوں اکھ تول واہندے واہندے عُمرِاں لنگھیاں

---



گھن یاری دا اول مارے  
پتراں کوں وا بھولا مارے

چھاں سنگھڑی ہے پوٹے تلے  
جاں دھپ آوے رولا مارے

شام دا ماٹ تروٹن کیتے  
آ تاراں دا ٹولا مارے

سوہنٹاں دی تقصیر نہ کوئی  
جندڑی کوں دل بھولا مارے

غیراں پئے روہ وی پرتائے  
آپنٹاں دا ڈکھ مھولا مارے

دلڑی رووے کلہڑی کلہڑی  
ونچ پردیساں ڈھولا مارے

دلڑی کوں پھل پھل دا آحسن  
دن پونا پھولا مارے



نال دچھوڑے آون راتاں کالڑیاں  
دل دی بھوک مساون راتاں کالڑیاں

چانٹ بھٹ دا او وی اے بدللاں دے  
سنگ جیاتی راہون راتاں کالڑیاں

ڈکھ سکھ توں کجھ ویہل نہ اصلوں جنڈی کوں  
او نہ آوے، آون راتاں کالڑیاں

منظر کیرھا ڈیکھے دلبر کھٹن دا  
اکھیاں کوں ملھ پاہون راتاں کالڑیاں

تارا تارا بھانبر ہے ہک زخماں دا  
کیویں درد نکاؤن راتاں کالڑیاں

آپنی بربادی دامنِ ظُلم کی ٹھیکن اُوکھا  
وہی ڈکھڑے سا ہون راتوں کا لڑیاں

ڈیہنہ کوں جھانہ ڈھیو راہ لکھ باہون دی  
سایہ آون راتوں کا لڑیاں

بھولی اندر خواب ہزاراں بچناں دے  
بہوں آسن کوں بھاون راتوں کا لڑیاں

---



ڈیہنہ ہوا دُراست ہوا دی  
جھجھ آئی گھل بات ہوا دی

جُڑ جُڑ پترال پچھے پیٹی ء  
ڈیکھ گھڑی اوقات ہوا دی

سسی کوں دفنایا تھل وچ  
بے وس ظالم ذات ہوا دی

چمیر رُت دیاں خبہاں ڈیوے  
دیواناں تے ڈات ہوا دی

پھل آپنے توں دکھ نہ کردا  
خوشبو ہے سوغات ہوا دی

دل دا ہونا کھڑے کے چیکے  
وحشی منظر جھات ہوا دی

نت گلشن توں نکھرے آسن  
جند پڑی سولاں وات ہوا دی





کھادیاں کندھاں دی کاری کر مٹھل  
بھاویں جکھڑاں نال یاری کر مٹھل

نِت نہ گھن احسان کوڑی آس دا  
کجھ تہاں اپنی آن پیاری کر مٹھل

چھاں بٹا، دھپیاں دے ساڑے لوک ہن  
ذات دی کندھ نِت اُساری کر مٹھل

ڈات ہے اوندی نہ کر خس آلسی  
جان کوں لکھ دار، داری کر مٹھل

پانی گھن ویندا ہے تھڈے کے منڈھ توں  
بھارا اپنا ہوو بھاری کر مٹھل

کجھ سہارا ہے سچن دی مونجھ دا  
آس دی بازی نہ باری کر مٹھل

عِسمن در موتیاں دی کھاٹ ہے  
دل اندر کجھ بیفت داری کر مٹھل



آپنے کیتے ہر کوئی چنگا!  
ڈو جھاں کن ہے بکھا ننگا

ہک بھٹ او ہا چو کھا چنگا  
بھیرٹھانال سچن دے لنگھا

کیوں وت مھل لکدے ہن سوہنے  
نہ گل گانی نہ ہتھ کنگھا!

کیں چاروپ دا ڈیوا ہالا  
بن کے آیا کون پتنگا!

ڈکھ سکھ دی مہن چوٹ نہ کوئی  
پیار حیات کوں آ رنگا

چھن پروں ہے رات اندھاری  
زل مل تاراں جُڑ جُڑ چنگا

بکھی امب سڑی پئی کُلاوے  
تپ دا مارا ہال ہے کھنگا

اوہے رُوپ دا واہنہ دریا  
اُول دا ہک ہک منظر چنگا

---



اَوے میڈے سر دایں  
رستہ ڈیکھاں چہر دایں

شاخاں کوں پیاتر تر ڈیکھے  
پتر پتر کر دایں

پس تیڈی اُلفت دے سانگے  
ہر کوئی ویری سر دایں

پھلناں نال دکاناں بھریاں  
گاکھ نہ بھے گہر دایں

جاں ڈیکھے بھڑ منظر ساوے  
نکُن منْ کنْ منْ کر دایں

منزل توں بیگانہ آحن  
ملیا، راہ وچ پھر دایں



مکھڑا اُوندا وٹیا وٹیا  
دل جیون توں گھٹا گھٹا

بلبل کڈاں مونجھی کلہڑی  
بانا پھل دا پھٹا پھٹا

شوق دے اگے اوکھ نہ کوئی  
روہ راہواں توں ہیٹا ہیٹا

چمتر، پت جھڑ منظر ہکا  
بُٹا بُٹا پٹیا پٹیا

ہک ہک بندہ مونجھا، جیویں  
اسمانوں توں سیٹا سیٹا

عشق دی مَنہ زوری نہ پھو  
تاج سِراں توں ڈٹھا ڈٹھا

بھل گئیاں کھایاں کندھاں آسن  
گھر دا گھر ہے نہ ٹھیا نہ ٹھیا





بدلاں وانگوں وے سائیاں  
ہے ورہیاں دی نس وے سائیاں

بن تپڑے مہان ڈسیوے  
ساھواں دی بھج نس وے سائیاں

گھن گئی ماٹ حیاتی آلا  
اکھیاں دی اڑ پھس وے سائیاں

نانویں تپڑے عمرال لائیاں  
ساڑتے بھاویں ہس وے سائیاں

میڈے کوٹھے ڈھاندے ڈھاوون  
بک واری تال وے سائیاں

لکے فراق پہاڑوں اچا  
بھاویں ہو وے نس وے سائیاں

شان تپڑی نہ لکھیاں لکھے  
ست سمندر مس وے سائیاں



چن منگے نہ تارا منگے  
دل درداں دا چارا منگے

موسم موسم ویہڑے تیتڑے  
دل آوٹ دا وارا منگے

ہوئے آس عمر دی کوئی  
خندڑی ٹیک سہارا منگے

بہڑ دی ہے تکرار اولڑی  
وستی شہر کنارا منگے

جیڑھاپار کن دھی ونج سٹے  
کپڑاں عشق او دھارا منگے

رات عجب دی کالی کالی  
پیلی پیلی تارا منگے

آنہ آ دل کلا آسن  
سچا کوڑا لارا منگے



شہر بیگانہ میں ان سوا  
بھنگدا پھر داں پوہا پوہا

جند ڈیوٹ دی شہر ہے کلہڑی  
جتنا سوکھا پیار دا جوا

پانی بھڑا چھوڑ گیا ہے  
واندیاں کلیں سنجر اکھوہا

ہیں کوں خلقت ڈیکھ نہ رہے  
بے شک میڈا دلبر اویا

رات اندھاری، دشمن دوستی  
کیسدا مہن کھڑ کانواں پوہا

آہن میسکوں سمجھ نہ آوے  
بھٹ وچ اپنا، بھٹ ان سوا



اکلاپے دا کال ڈٹھو سے  
اوں کوں ہر دم نال ڈٹھو سے

دھپتے چھاں ہن راضی بازی  
موسم دی او چال ڈٹھو سے

مٹھری واپانن دی گھل پئی  
رات دے کھنڈے وال ڈٹھو سے

رونداں، روندناں، ہسدا ونجے  
دل کوں نیکڑا ہال ڈٹھو سے

لنگھیا سکے بدلاں وانگوں  
راہ ہیں دی ڈھگ سال ڈٹھو سے

پھس گئی کالی رات فجرتیں  
لاہندے ڈیہنہ کوں چال ڈٹھو سے

ہتھ وچ آنندیاں تھی گئے پتھر  
عہ ہیراں دا حال ڈٹھو سے

ہجر دا منظر کالا کالا  
رَت آپنی کوں ہال ڈٹھو سے

مار کے خود پئے دعوائے کر دن  
عہ آپٹاں دا حال ڈٹھو سے

کتنے موسم پر تے حسن  
پھٹ سینے دے لال ڈٹھو سے

---





رانجھٹ رانجھٹ وکسا ساڈا  
رانجھٹ جگب وچ سکا ساڈا

دُنیا بھاویں دیر کماوے  
سانگا اصلوں پکا ساڈا

ہا نہ راضی دل بکھڑن تے  
رستہ کیں نہ ڈکا ساڈا

جج ہے اول مکھڑے دا ڈیکھن  
گھس دلبہر دا مکہ ساڈا

اوڑک آئے آپ او آیا  
دل ہا ہکا بکا ساڈا

ہا ہیری ہک نال گوانڈھوں  
وٹاں دیہڑا تگا ساڈا

خوابوں پار سچن دا دیرہ  
شوق نہ احسن تھکا ساڈا



رُتِ ظالم دیاں قسماں تڑٹیاں  
سُکیاں، سِرِٹیاں لانٹریں پھٹیاں

عشق ہے پہوں گھاٹے دا سودا  
آپناں و سداں بھوکاں لٹیاں

شوقاں سارے ہوش و سارے  
بھجداں گجداں واگاں تڑٹیاں

ظلم حراج نہ منگداں تھکے  
شوہریاں شاخاں تھکیاں پٹیاں

رُل گئے سدھیاں سیندھیاں آئے  
پیار دیاں پہوں راہواں پھٹیاں

کلبھیاں لمبیاں کالیاں راتاں  
جُڑ جُڑ مارن احسن کٹھیاں



تن کو ساڑاں تے ہتھ ہالاں  
پیارے ڈیوے وچ رت ہالاں

نور کھنڈاں راتاں اندر  
اکھیاں کول میں وت وت ہالاں

کچھ تاں مان و دھاؤ اکھیو  
کیویں دل دی لچ پت ہالاں

نہ چیتے نہ چنتے چنگے  
بن کلاتے میں مت ہالاں

محکم دامنناں مجبوری ہے  
چم چم یار دا ہر خط ہالاں

ڈوں کنڑیاں وی سانجھ نہ سبگے  
اد گھر ڈھانواں اوچھت ہالاں



پسلی پسلی ڈلیوے ہالے  
ہوروی تھی گئے رستے کالے

کنڈے جس دے دیہڑے دیہڑے  
اوکھال نال او پوٹے پالے

پھل ترڑا کے وت کلاون  
رتاں دے بہوں ظالم چالے

پاکے میسڈی ہیرٹی وٹے  
چھوڑ گیا ہے ادھ وچالے

کندھی باہ کے موتی لبھن  
دریاواں کوں کون کھنگالے

کیڑھی آس تے پوٹے لاواں  
سک گئے دریائک گئے نالے

ہجڑ مکیا چانٹ دل دا!  
رات ہے کالی پڑیہنہ وی کالے

ہونٹھاں کوں سی گھنساں آسن  
دل مکے کوں کوٹ سنھالے

---





وَلَمَّ چڑھ گئی کندھاں کوں نپ نپ  
ڈھایا جھکڑ بھولاں کھپ کھپ

وستی دے واسے ہن تھس  
ڈنڈھ پیا گتے پھیر و سب سب

دھپاں دا کم سوکھا کیتا  
لوکاں بونے لائے کپ کپ

دل ٹہری ہے ریت دی اصلوں  
بھور کھنڈایا جھکڑاں لپ لپ

ڈول کٹیاں نہ ساہیاں کندھاں  
عمداں لنگھیاں مٹی تھپ تھپ

رہ گئی شام میڈے گھر دیہڑے  
آئی کندھاں کوٹھے ٹپ ٹپ

کیڑھی کھڑ توں پیر بچاواں  
حسن دُنیا ساری سب سب



پت جھڑتوں ہیں اندی ویہلی  
میں پھسلاں دا ازلی پھیلی

ہیڑھا دل ہے پیار توں خالی  
تل نیس اوں دا بھٹی دھیلی

سب کوں روزی تل تل ملدی  
سائک سائک پھیلی پھیلی

پکھی وی پر مار نہ سگے  
میں دی اچھی بند سولی

ٹپے ٹپے ہسا منظر  
پچھے پھیڑو آگے لیلی

سیر ویسی یا کن دھی ملی  
چڑھدے دریا ہیڑی مھیلی

تھلاں نال ہے آپنی یاری  
ہن آسن دا اللہ ہیلی



پئے گھل چہتر دے خوشبو والے بھولے ہن  
یاداں دے کھی مار اڈاریاں بولے ہن

کیس سپڑیں وانگوں زکفاں دے دٹ کھولے ہن  
پئے چن تے رات دچالے منڈرے روئے ہن

چس حدل پارہے تیدے ڈترے پھٹاں دی  
تن لیر و لیر تاں دی بگدے تھولے ہن

پٹناں تے روندیاں اکھیاں دا ڈکھ مکھ انیس  
کیا خوشیاں جیں دے وچ پردیساں دھولے ہن

وچ دل دے تھلے ریت لونوں پئی اڈدی ہے  
رُت چہتر آئی پھل پھل بدلے چولے ہن

وچ کنڈیاں رل مل پھلاں ٹور بنائی ہے  
بھولے مکھڑے کڈاں دل دے بھولے ہن



ہیں سچاں کوں ہسے سکدے  
اول گئے وچ گلیاں وکدے

وکھرے وکھرے رتے ساڈے  
ڈول پاندھی ہاں منزل پکدے

موجاں چٹ چٹ دلڑی ٹھارن  
جاں کندھی تے او ناں لکھدے

جکھڑاں نال ہے یاری آئی  
ٹپے مہتل وچ کڈاں ٹکدے

بھاوے رت ساوٹ دی، بھاویں  
کچے گھر ہن ساڈے بھکدے

جند ہے، بیویں ہاں پلوڑے  
ناں کوئی ٹہاں تے لکھدے



اچ و پنچٹاں ہے کل و پنچٹاں ہے  
مٹی مٹی وچ رل و پنچٹاں ہے

سرگی پیٹی ڈکھالی ڈیوے  
رات کول اوڑک ڈھل و پنچٹاں ہے

عشق ہے ہلدی بھبا دا لنبہ  
سر و پنچٹاں ہے بل و پنچٹاں ہے

وینٹ آلا نہ مویاں اتے !  
ہر آندے کول ول و پنچٹاں ہے

مھسل دی تس نہ مکیاں مکے  
بدلاں ووس کے ول و پنچٹاں ہے

پھیاں کول و کوٹ ڈساوے  
آندیاں رتاں ول و پنچٹاں ہے

دھپاں کھا گئی اچی حویلی !  
کچیاں کس رہاں گل و پنچٹاں ہے





چن چئی صُور ت بھلڑی بھلڑی  
بے وس دے وس جندڑی بھلڑی

وکھری ذات نہ وکھرے چنتے  
جند پڑواں دی رلڑی رلڑی

وچ ہنجواں دے مٹھل مٹھل آوے  
سانول تیرپڑی یاد اولڑی

عشق دے دیہڑے سوچ کے آویں  
اتھ منصور دی لاہ گہی کھلڑی

گھن کے آوے پیڑ پُرانی  
رُت کوئی نہ کلہڑی کلہڑی

ہکا کوک سینوے آسین  
ٹوبھے ٹوبھے تھلڑی تھلڑی



ہجراں دا جن چڑھیا ٹوبھے سک گئے ہن  
کیڑھا موسم اڑیا ٹوبھے سک گئے ہن

اکھیاں دے پانی توں پلج نبھامی پڑی  
بدلاں توں دل سڑیا ٹوبھے سک گئے ہن

کیڑھا ڈیوے آس دلا سے ڈکھیاں کوں  
کنڈھ بن کے جگ کھڑیا ٹوبھے سک گئے ہن

ڈیہنہ سارے تے دوزخ بن کے رات آوے  
ڈکھ سوچاں وچ وڑیا ٹوبھے سک گئے ہن

ٹیک می پڑی، توں دل کملے دا محرم ہیں  
خیہ ہووی او گھڑیا ٹوبھے سک گئے ہن

ہن تال یار دا ملٹا اوکھسا لگدا ہے  
تن من میہ ڈاسٹریا ٹو بھے سک گئے ہن

کیڑھا وس ہے میہ ڈا مہنیہ تے بدلاں تے  
نال میہ ڈے اولٹریا ٹو بھے سک گئے ہن

گلیاں گلیاں ڈیکھیاں یار سانولٹے کوں  
جیڑا سولی چٹھیا ٹو بھے سک گئے ہن



یاداں خواب تے لارے ونڈے  
کُورے، یار سہارے ونڈے

کیرھی راہ کنڈیاں توں خالی  
رُت ویندی ڈکھ سارے ونڈے

جکھڑاں دی مُنہ زوری کیتے  
مہینہ دھرتی تے گلے ونڈے

کالی رات وچھوڑاں آلی  
نت پسلی تے تارے ونڈے

آپنٹاں اگوں پھول کے ڈکھڑے  
بھار عمر دے بھالے ونڈے

کنڈھی داتن لیراں لیراں  
چڑھدا دریا دھالے ونڈے

جو بن دی جاگیں جیاتی  
او جیون دے وارے ونڈے

پتیر دا ہتھ کھٹا کھٹا  
ناز سچن دے سارے ونڈے

آہن خوب شکاری ڈمھٹا  
ہیر ٹھہا پکھی مارے ونڈے

---





عِڈ پینہ بھاوے تے نالے رات بھاوے  
تیبڑے چیتے، تیبڑی گل بات بھاوے

اونویں تال چھاں تے وی دل سوتا پووے  
تیبڑے کجے دی کالی رات بھاوے

اُچارے باغ بھاویں ڈھاوے کندھاں  
جو توں ہوویں تال مہینہ برسات بھاوے

او اکھ چنگی جیڑھی مکھڑے توں واری  
جو ناں چاوے تیبڑا، اودات بھاوے

سونھپ ہے منظر ال دا چن دا چانن  
زمیں کوں آسماں دی ڈات بھاوے

اڈاوے دُور تیں جو نال آپنے  
ہوا دی پکھیاں کوں ذات بھاوے

لنگھیں کولوں جو توں ہنس کھل کے احسن  
کرم تیبڑے دی عِ سوغات بھاوے



بدل آئے کالے پچھٹے  
کنبدے، ہن کٹکاں دے سٹے

ڈیکھ ہوا دیاں بے وسیاں کوں  
پتہ پتہ سینہ پیٹے

کیوں تیدھی آواز کوں لوہندا  
گھر جو ہوندے ساڑھے پیٹے

جکھڑاں تھل وچ زور ونجایا  
سسی دا ہک نقش نہ مٹے

ڈھوک پیل دے پینڈے کرساں  
بھادیں ساہ وچ سینے پھٹے

پھلماں دارنگ نکھرا نکھرا  
سولج مارے دھپ دے چھٹے

تیں توں سوہنٹا کوٹن پیا ہے  
لوک میں ساکے جگ دے ڈمھے

ڈو جھال دے مونڈھاں تے آسن  
اُپے تھے ہن کتنے گکھے

---



دل دا زور ڈکھاوٹ کیتے دریا رستہ بدلے  
وستی شہر مٹاوٹ کیتے دریا رستہ بدلے

پنڈ چا کے موجاں دی سرتے مار کے پنڈے آیا  
منزل دی راہ پاوٹ کیتے دریا رستہ بدلے

لبھداں لبھداں روہ جنگل توں وچ وستی دے آیا  
ہیویں یار منساوٹ کیتے دریا رستہ بدلے

دھرتی دے سینے تے بارش زخماں دی کر ڈیوے  
ظلم دا زور ڈکھاوٹ کیتے دریا رستہ بدلے

سہر مریندا، جھگب اڈین اکلاں وانگوں بھجے  
جول دا بھار لہاوٹ کیتے دریا رستہ بدلے

شوق سفہ دا جہداں لاء دا وچ ساہواں دے پلیا  
پنڈے ہور ودھاوٹ کیتے دریا رستہ بدلے

وچ سمندر رل مل آسن تل نہ راہوے اصلوں  
ویلا وقت لنگھاوٹ کیتے دریا رستہ بدلے



دیرہ یار دا ڈسے پاروں  
کیویں راہواں بھٹاں واروں

سنگتی ساتی چھوڑ گئے ہن  
واندے تھے ہاں باغ بہاروں

اکھیاں دے بہک رنگلے منظر  
اٹ سوا کیتا گھر پاروں

درد جو ملیا سب کچھ ریا  
گئے کجلیوں تے ہار سنگھاروں

جو بھٹا لنگھیا نال سچن دے  
اوں تے جندڑی دم دم واروں

گر لاوے دل درداں مارا  
کوئج نہ تھالا نکھرے ڈاروں

عم لنگھیسوں احسن کیویں  
بھٹا نہ سانول باجھ گزاردوں



اکھ دا اشارا تھیوے  
دل بے مہارا تھیوے

ویڑھا ہے رات کالی  
بنج، بنج تارا تھیوے

توں سامنے جو ہوویں  
دریا کنارا تھیوے

پت بھڑ دا ویندا موسم  
دم دا سہارا تھیوے

فرقت داروگ بھیرا  
کوئی نہ چارا تھیوے

بہ بھٹ وی با بھ تپے  
اوکھا گزارا تھیوے

بہر بول — بول مٹھرا  
آسن گوں پیارا تھیوے





دُھپ تے لو دافضلہ ہے سنگتیو  
تھل دا ان ٹمک سلسلہ ہے سنگتیو

لج پلینسی کے تےئیں دیہلی ہوا  
ع جیاتی بلبلہ ہے سنگتیو

ہے طلب سچی، زمیں، آسمان دا  
ڈول بلانگیاں فاصلہ ہے سنگتیو

خواہشاں، منزل طلب، چھڑ واکیاں  
ساہ دانکواں سلسلہ ہے سنگتیو

سختیاں رُتیاں دیاں جی جان تے  
ع زمیں دا حوصلہ ہے سنگتیو

چٹھا آیا راہب سراں دی ویڑھ وچ  
لٹ گیا اوقافِ سلہ ہے سنگتیو

لکھ ولا کے، من زلال دی راہ دے  
شوق دا بہول حوصلہ ہے سنگتیو

سرتے پگ ہے جھڑاں دا زور ہے  
ڈھیر اوکھا مرحلہ ہے سنگتیو



پل ہے یا ڈوں پل جیساتی  
ساہواں دی ہک پھل جیساتی

ورہیاں دا اسباب ہے چوکھا  
اچ ہے یا ہے کل جیساتی

دھپ تے نالے جکھڑ بھولے  
باہج سچن دے تھل جیساتی

جیڑھے پاسے اوٹھ پو وے  
اوں راہ تے پئی چل جیساتی

ساہواں دے وس پھوڑ گیا ہے  
موت دا ہوا مل جیساتی

کل دی تانگ ہے کوڑ بتوڑی  
رات رات دی گل حیاتی

دُنیا اوڑک جھوک فنا ہے  
نال سچن دے رل حیاتی

پاہجول دلبر خوشیاں مکیاں  
بٹیا کوڑا پھل حیاتی

آیا میڈے پو ہے احسن  
موڑ مہاراں ول حیاتی

---



خواب ہن مٹھڑیاں رُتاں آ لے  
کر گئے دل دامنِ دُڑا حالے

کیوں یار نہ کھڑا ڈیکھیاں  
کندھ ہنجاں دی کھلی وچالے

مچل پیلے سر نوں دے کھلے  
کیں چا دھپ وچ ڈیوے پالے

ہک جھٹ دی کلہڑا نہ پھوڑن  
آسے پاسے ڈکھ سبالے

کجھ ہن اکھیاں انھیاں انھیاں  
کجھ آئینے کالے کالے

گھر دیاں کندھاں کھاوَن آسَن  
لوکاں سارے خواب اُدھالے



بھٹ کنٹ یار پیارا ڈے سے  
اوندے بعد اندھارا ڈے سے

نظراں پار تھیاں آسمانوں  
دوروں عشق خسارا ڈے سے

آوے گھن کے چانٹ دل دا  
جو پپلی تے تارا ڈے سے

پرداناں دا نور پنھوڑے  
تاں ڈیوا۔ چن تارا ڈے سے

ہوہے اوندے مکھ مکھ باہون  
کیڑھا بازی ہارا ڈے سے

پت بھڑ دی سُلطانی اندر  
چیر دل کوں لارا ڈے سے

اکھیاں دے آسماناں اُتے  
چن ہجرال دا بھارا ڈے سے





ٹرداں ٹرداں لو کو سا ہواں مکیاں ہن  
شوق دیاں عکڑاں را ہواں مکیاں ہن

رکھ وی دھپ پچ بھانبرٹن کے پلے ہن  
نکھرے یارتاں ٹھڈیاں چھاواں مکیاں ہن

ہرٹن چندور ہے سڈاں ہتھ نہ آندا ہے  
کر کر لمبیاں تھک تھک باپنواں مکیاں ہن

اڈ ونج، پول ناں، کیوں دلڑی ترساندا ہیں  
تانگیاں یار ملن دیاں کاتواں مکیاں ہن

کیڑھی منزل غم دے قہر دی آئی ہے  
اکھ چوں ہنجواں لب تے ہاواں مکیاں ہن

تھئے پر دلیسی جیندے لٹے دل والے  
رورو او پتنّاں تے ماواں مکیاں ہن

جیوٹن تے جنڈری توں لو کو کیا گھنساں  
باہووں یار دے آسن چا ہواں مکیاں ہن



جیوٹ ہا بھول سچاں اوکھا  
ہُکے ڈھول دا وچٹاں اوکھا

ساوٹ بدھوں کنکے کنکے  
تن دھرتی دا کچٹاں اوکھا

ہوٹے پٹن، باغ اُچاڑن  
تھل جکھڑاں دا رچٹاں اوکھا

منگھسی نال حیاتی تیڈے  
روہ ہاں، جھاتاں بھچٹاں اوکھا

لاء ڈے کے پیاں دُھپاں آون  
رکھ ہاں پڑتوں بھچٹاں اوکھا

ٹوٹے ٹوٹے کھنڈے پوٹے  
جھڑ بدلاں دا گچٹاں اوکھا

مجبوری دے پنجک اندر  
قیدی چھدا گچٹاں اوکھا



ڈیہ نہ تھوے بھاویں رات ہووے  
بس سچاں دی گل بات ہووے

مکھ تیہ ڈا ہووے، اکھ میہ ڈی  
گل ساڈی غیر داوات ہووے

کجھ ہووے، ہووے نہ ہووے  
ہک تیہ ڈی میہ ڈی ذات ہووے

ہنج ڈھاوے، ڈھاوے نہ ڈھاوے  
عجب زبال دی اوقات ہووے

کجھ رات دا منظر ترڑ و پنچے  
دھرتی تے چن دی ڈات ہووے

مٹھ مٹی تے ہک سکا مھپل  
ظالم دے نال سوغات ہووے

کندھ ترڑ کے، سحر دھوڑاں دی  
ڈکھ اتھن جکھڑاں داوات ہووے



کر کڈھیں نہ مَہل کے وی آسرا درختاں دا  
پھیراں پچھاواں ہے بے وفا درختاں دا

نال نال یاری دے دُشمنی وی چو کھی ہے  
جھالاء داسا نکا ہے دھپ ہوا درختاں دا

پتیراں دا دیرہ ہے بھٹ دا بھاویں ڈول بھٹ دا  
حال متعینداویندا ہے اوپرا درختاں دا

کر دے، سُر دے پتراں دا ڈیکھدے تماشہ ہن  
وانگ ہے سمندراں دے حوصلہ درختاں دا

ہاڑ ہاڑ دھپاں دا تن تے ظلم ساہندے ہن  
کجھ تال وانگ پکھیاں دے دکھ وندا درختاں دا



کونج نمائی دلڑی وانگے  
لیکھاں وچ عمراں دی تانگے

پھاں وی ہیٹھ درختاں چھپ گئی  
سورج دے ہتھ دھپ دی ڈانگے

جگراتے مکھ اکھیاں پیٹھ  
خواباں نال میں جوڑے سانگے

گھل گھل کے چن لاشہ بنیا  
تانگاں دا زہریلا نانگے

صبح سُجھو وی روندیاں ٹر گئی  
پھل پھل کول ڈے، غم دے دانگے

پیار نہ ہیڑھے دل وچ اتھن  
اوسبکھاتے اصلوں پھانگے





ہر کیں اگے عیب تمامی پھول گیا ہے  
یار ہے میٹھا پاہ کے میٹھے کول گیا ہے

سوئی کھادے ہوئے سارے ڈھانڈے راہن  
زنگ دے مارے جندے کیڑھا کھول گیا ہے

ہٹ آیا تاں دلٹاؤں کن اوکھا ہو سی  
اکھیاں دے وچ پیار میٹھے کول تول گیا ہے

کون ہا ساری رات خدا دی ہک ہک رُنا  
پتراں اُتے موتی کیڑھا رول گیا ہے

پینگھاں چٹھیاں اسماناں تے چارے پاسے  
مٹھڑے مٹھڑے بول پنڈرا بول گیا ہے

ایں توں ودھ کے احسن ظلم نہ ہو سی کوئی  
رونداں چھوڑ کے دیس پرانے ڈھول گیا ہے





وعداں دایاں لنگھیاں شماں  
وَت وی ڈیوے ہال کے باہواں

دل نریا سانول سوہنے !  
نچی جٹی ہک گل نہ سہواں !

شام تھی دل سوڑا پووے  
کیویں ساری رات بنگھانواں

آپو آپ دھڑاپی اتھے  
کیوں نہ اپنا بھبار میں چاواں

تانگاں دا غم ڈیون آیا  
پھوڑ بھیرا، اڈ ونج کانواں

بدلاں تے الزام نہ آوے  
آپ میں کچے کوٹھے ڈھانواں

آدیر ٹھاپت بھڑ دے چنتاں  
وَت وی آسن بوٹے لاواں



ڈنگ پڑنگے رستے پٹھیاں راہواں ہن  
منزل اوکھی جھٹ ڈوں جھٹ دیاں ساہواں ہن

اکھ بھر ڈیکھاں پنکھر پنکھر تھی ونجے  
ہیویں کوئے تن تے بھارنگا ہواں ہن

کیڑھے موسم پاندھی تے بھارے تھی پئے  
کیویں ڈھوڑو ڈھوڑو تھیاں کل راہواں ہن

کیڑھی مجبور دی دا ظلم عرسا ہندے پئے ہن  
کیوں لوکاں دے ہونٹھاں اتے باواں ہن

چار چدھاروں تتیاں رتاں آویڑھاہے  
آپسلی دیاں اتھن سکدیاں چھاواں ہن



اَجھے لے چٹھیاں ہاٹاں  
دل دا دریا مارے ٹھاٹھاں

زُلفاں چوں پیا مکھڑا چمکے  
بدل آون مار کھٹاٹاں

یاد آویں تاں، اکھیاں اندر  
ست سمندر مارن ٹھاٹھاں

رُپ کوں ہور ودھاون پیاں  
چولے تے ست رنگیاں پھاٹاں

پلکاں کوں ول ول جھپکاوے  
شکرا جیویں مارے بھاٹاں

مھلاں دی تقصیر نہ کوئی  
جٹھڑ ول ول مارن چاٹاں

یاد آوے حسن دیوانہ  
کونج دیاں سُن سُن کر لاٹاں



بسکھ موسم سفر وچ نال میڈے  
ڈسن منظر وٹا کے حال میڈے

سفر منزل دا، جیون دا بہانہ  
علاجیہ راستے لچال میڈے

تیں چانٹ کر گھبرا، تارے جگا کے  
نی کالی رات ڈیوے بال میڈے

ڈیو اون یاد سبھاں دے کرم دی  
عسارے زخم ہن لچال میڈے

مقتدر بن گئے اکیہاں دے ساوٹ  
ہوا بن کے ع بدل ٹال میڈے

سفر دھپاں دا ہووے بھانویں آسن  
نہ چھاں دی لوڑ ہے تول نال میڈے



ہنچ، ہنچ دا ہم ہار پر دیا  
دلبر کوں کنج بھیجیاں ڈھویا

اچ ول تیںڈی یاد آئی ہے  
اچ دی ہاں میں پک پک رویا

تیغ ادا دی کجھ نہ ڈیکھے  
کون پھوڑا کیرٹھا مویا

کنٹریاں تاں ہن کھیٹن آئیاں  
ساری رات ہے کوکھٹا چویا

آپٹاں دے ہتھ ڈیکھ کے وٹے  
موم جیال بنٹیا لویا

اوکھاں نال ملاپ ڈسیندا  
بھاتے ڈدھ بٹن دا ہے کھویا

بے وس ڈھول و سا کے میکوں  
ظلم ساں نال ہے آحن کوہیا





پانی پانی اکھیاں نالے جھولی پانی پانی  
دردال، ماہوال، جھجھوآں دی ہے بولی پانی پانی

ساوٹ ماہہ دے موسم وانگوں جل تھل منظر منظر  
ٹکھڑن ویلے اکھ دی تاکی کھولی پانی پانی

پیراں توں ہک پھویا رت دانٹاں نال نہ ملیا  
کنڈرا کنڈرا پانی پانی پوہلی پانی پانی

لفطاں دی اصلیت آلی رہ گئی جھولی خالی  
اکھیاں چاں چاں دل دی حالت پھولی پانی پانی

تارے جیویں راتاں اندر ٹم ٹم ٹم ٹم چمکن  
وسدے مہینہ وچ زلف جھولسد کھولی پانی پانی

ڈوں ڈیوے اکھ دریا اندر رات ڈہنیاں ہن بلدے  
سار عشق دے آپنی منہ ل گولی پانی پانی

آہن عاشق اپنے آپ توں بے چیتے تھی ویندے  
کڈاں باکر بل والاں دی بولی پانی پانی





ہتھ نماشاں چن دا پیالا  
ویلا ہے مل باہوٹ آلا

اوکھاں نال بہاراں آئیاں  
آوٹ آ لے وت چاٹالا

سوہنی داتل مان نہ رکھیا  
واہنہ دریا تھیا اُباہلا

دل دا بوسب توں وکھرا  
نہ کُنڈی، نہ ہُٹ کا تالا

ناراں لیر کتیراں کیستا  
رات دا بانٹا کالا کالا

جکھڑ جھولے بنے پتنگے  
چاں جذباں دا ڈیوا ہالا

اُجڑے باغ دلاں دے آسن  
چیتربٹن کے آویں شالا



مَنّاں، ترے مُول نہ مَنے  
آساں دے لُٹھ گئے ہن بنے

ہن وی پیار دی خوشبو گھلے  
دریا دریا دسّے دسّے

وستی شہر نہ جنگل پُرس  
عشق دے مارے انہے انہے

رات، بجز دی بھانبر بھانبر  
سیکے ساڑے پالے بھنے

دل آلاں کو رتاں مارن  
پا کے چولے دن پونے

ست سمندر مٹھل مٹھل مٹھل  
دُنیا بیٹھی متھہ بھنے

آسن دُنیا پچ پی آکھے  
ہن ڈاڈھاں دے ڈنگے بنے



بہوں نین سچن دے تیکھے  
دل ڈیکھن ہا بھ نہ طیکھے

وچ شہراں دے ہڑ آیا  
مھتل گھٹ پانی کوں سکھے

تھئے شہر دے لوکاں وانگوں  
کل رنگ مھپلاں دے پھکھے

کنج مان کرے یوسف وی  
بن مسل بزاراں روکے

ہے عشق کمایا عمداں  
ہک الف نہ مولوں سکھے

بہوں اچے لوک ڈٹھو سے  
پر اسمناں توں بھکھے

احسن دا شوق وی ڈیکھو  
ہک ناں پانی تے لیکھے



میڈا پاڑا مول نہ کجے  
خوشبو نال ہوا دے بجھے

مٹی نال میں کھیڈن آلا  
چن تاراں دے نال اوہجے

اوبھیوں ہر نہ ہا مول آیا  
لمیوں کالی بدلی گجے !

شرٹا پار پئی کراوے  
دھپ دھپ اتھے دھولک وچے

کھاگئی کجے گھر دیاں پھتاں  
سوئی کتھے رھیال رہے

جھڑکوں جکھڑ نال پھراون  
اسماناں کون کیرٹھا کجے

بھتیاں نماشاں بل پئے ڈیوے  
احسن کیوں نیس آیا آجے



پیار دے سوہنے رنگ وچ رنگی بیٹھی آں!  
لکھ وی کھلی آکھو چنگی بیٹھی آں!

ہنٹے، چنتے، چیتے ڈکھن اقال دے  
چھوڑ کے سارے سامتی سنگی بیٹھی آں!

آوے یا نہ آوے اوندی مرضی ہے  
کر کے ہار سنگھار تے کنگھی بیٹھی آں!

ہنٹ وی اوندی صورت من وچ وسدی ہے  
ہنٹ وی پیار دی لوکو ڈنگی بیٹھی آں!

ہور ڈسو ڈکھ کیڑھا میسکوں ملتا ہے  
سحر دیاں راہواں توں لنگھی بیٹھی آں!

ٹرن دا ویلا آیا شالا بھل آوے  
موت کوئوں کجھ ساہواں منگی بیٹھی آں!

متاں جاگن موسم ڈھول دے آون دے  
آس دیاں راہواں تے چنگی بیٹھی آں!

آ آسن دے سترے یکھ جگاؤں آ  
نال حیاتی تیڑے ونجی بیٹھی آں!





جینداں جی مل مہا نہ پوون  
ڈکھیاں دے سکھ راہ نہ پوون

چن مکھڑے کو ڈیکھ کے تارے  
اسماناں تول لاہ نہ پوون

سوچ سمجھ کے چھاں تے باہویں  
کھا دیاں کنہاں ڈھانہ پوون

ڈک ہنجاں کوں بلس کلی  
سکے مچل وچ ساہ نہ پوون

ڈیکھ کے جھاگھ بار بناویں  
سکے دریا واہ نہ پوون

باہجہ تپڑے ڈکھ چیتے کھاوون  
نال میڈے ٹک نہ پوون

ڈپوا احسن سانجھ کے پالیں  
جکھڑ جھولے آنہ پوون



ڈیکھ کے کلال دے گھر دانے  
بچھے مر گئے لوک سیاٹے

میسکوں مار مکاؤن آلا !  
نال خوشی دے عمار مانے

پاکے میں بوڑے کول ہیڑی  
تر گئے سارے پار مہانے

کھنڈ گئے وٹے بدلاں دنگوں  
سنگتی سانمٹی یار پرانے

منزل تیس نہ اپڑا کوئی  
بھک اُچ راہ داکٹرھا جانے

کنڈڑاں دی لچپالی کیتے  
درتے آئے پیروں وانے

دل دی میل دا کج نہ کوئی  
نت نت آحن بدلے پانے



جیوٹ توں بہوں اکیب لوکو  
جھنگداں جھنگداں تھکیا لوکو

بدلاں ہور قیامت ڈھائی  
ہنہوآں کوں بہوں ڈکیا لوکو

آوٹ آلا مول نہ آیا  
کندھاں چڑھ چڑھ تکیا لوکو

فصلاں بھارا امانت سانجھا  
دانہ دانہ پکیا لوکو

دید نہ کیتی سچناں، وت دی  
زہر و فدا چکھیا لوکو

تائگاں دے بوچھن تے احسن  
ہے اکھیاں کوں ٹکیا لوکو



رانجھساتے مہینوالِ فسانہ، سوہٹی ہیر خیالی ہے  
دریاواں دے پانی اُتے ہر تصویر خیالی ہے

ہجرت دا غم روزِ ازل توں ساہواں دے وچ پلایا ہے  
دلبر دی فرقت وچ کھادا ہر یک تیر خیالی ہے

ہک جے لوک تے ہک جے مکھڑے، ہکو جے پھانوس ہن  
خوشیاں ہن کوہِ ستافن پریاں ہر دلگیر خیالی ہے

مٹی دے کلہوٲت عرچ سارا زور ہے منگیاں ساہواں دا  
نیکا وڈا، شاہ منگتا تے چور وزیر خیالی ہے

رُپ دی پھک ودھاوٹ کیتے قدرت واہ کم کیتا ہے  
پھل جڑیاں پتیاں داناں ہے پھٹ تے چیر خیالی ہے

چن مکھڑا تے تارا اکھیاں پیگھ بدن ہے رنگاں دی  
ہیں دے نال دا ہوو نہ کوئی او تصویر خیالی ہے



دردِ رو حال سُنّاوُن آئے  
موسمِ دردِ جگّاون آئے

ڈیکھ کے میڈے کوٹھے دھانکے  
بدل زورِ ڈکھاون آئے

پسلی تے ہنجواں دے ٹولے  
بھار غمساں دالا ہون آئے

جکھڑاں دی منہ زوری چوکھی  
مٹی سر وچ پاوُن آئے

کالے ہتھ ساوُن دے سوہنے  
پوٹے جھا جھا لاوُن آئے

تاراں توں دل صدقے تھوے  
سارے درد ونداوُن آئے

اکھیاں دے وت موسم بدلے  
اونہ آیا ساوُن آئے



ہر دلڑی دی تقدریر ڈے  
وَت عشق ہر اک دا پیر ڈے

وَت پیراں تن کو آویڑھن  
وَت اکھ دا چلدا تیر ڈے

وَت چیترو حشت گھن آوے  
وَت جھولی لیراں لیر ڈے

وَت رات ہے ویہلی ڈکھاں تول  
ہر تارا پھٹ تے چیر ڈے

میں چھاں ہاں کھا دیاں کندھاں دی  
وَت دھپ دا ظالم تیر ڈے

وَت پینگھ چڑھی اسماناں تے  
ہتھ بے وس دے شمشیر ڈے



وَت جیون مرن و پار تھیا  
وَت کھڑیاں دے گھر ہیر دے

وَت سُبھدا سُنھا ساوَن ہے  
وَت اکھ پئی نیر و نیر دے

گھنڈ کھوے ویلا یاداں دا  
وَت آتھن بہوں دِگیں دے

---

گاہٹ



روندیاں اکھیاں کوں عہ گل سمجھا چھوڑو    سچٹاں نیئیں آوٹاں ساں پوہے ولا چھوڑو  
راہ نپ کے ڈیہنہ رات لنگھاواں  
پوہے ملکہ ملکہ تھک تھک پاہواں  
حال و نجاواں  
ڈکھڑو! تانگاں دے میکوں مارمکا چھوڑو

دل چا یاداں جھاتی پائی  
ہنجو آں ہاواں دی رت آئی  
جند کر لائی  
سینگھیو! سچٹاں کوں میڈا حال ڈسا چھوڑو

آئے دل کوں اوکھے گھیرے  
رات آنھارا جڑ جڑ ویڑے  
یار پریرے  
تارو! ڈکھیاں دا کجھ درد وٹا چھوڑو

سوچاں دا میں ہار پرو وال  
سچناں دے مکھڑے کوں لو ہواں!  
ہک ہک سو وال  
خوابو! ڈھولن دی تصویر ڈکھسا چھوڑو

ویے آئے درد ملن دے  
کیڑھا جیوے پا جھ سچن دے  
پیار کرن دے  
لو کو! جنڑی داتساں کفن بٹا چھوڑو

---



جکھڑ جھولاں پیر کرائے  
سجٹاں کٹن میں جھولی پائے

رتڑے رتڑے پیلے پیلے  
مٹھڑے مٹھڑے رس ریلے  
پلکاں نال میں چٹن چٹن چائے  
جکھڑ جھولاں پیر کرائے

ہتھاں پیراں کندے پڑ گئے  
نیرنیاں چول ہسداں کڑھ گئے  
شوتساں سائے درد مکائے  
جکھڑ جھولاں پیر کرائے

سینگیاں سکھیاں ول ول آون  
مہٹے ڈیون تے سمجھاون  
کیس نہ میڈے درد وڈائے  
جکھڑ جھولاں پیر کرائے



پیریں سانول روز بھڑاواں  
چٹن چٹن ہیریں ہکل پاواں  
ملن دے سوہنے ویلے آئے  
جکھڑ جھولاں ہیر کرائے

رونداں رونداں شام تھئی ء  
کلی چند بدنام تھئی ء  
آپناں غیناں نین وٹاے  
جکھڑ جھولاں ہیر کرائے

پیر ء سائے مک مک وین  
لغراں پتر سک سک وین  
جڈاں بہاراں چیتے چائے

جکھڑ جھولاں ہیر کرائے  
سجٹاں کن میں جھولی پائے

---



آنولا کیوں دُور ہیں کیرھی گلوں مجبور ہیں  
شہ ما گئیں ، گھبرا گئیں  
توں خوف کیرٹھا کھا گئیں  
ہتھ رکھ کے دل تے پاہ گئیں  
زخماں توں مہبائیں چور ہیں  
جلوہ ڈکھا دلدار ڈے  
مکھڑے داتوں دیدار ڈے  
لکھ واریا یک وار ڈے  
لکھا ہیں بہوں مغرور ہیں  
یک جان ہے یک آرزو  
میں سامنے تو روبرو  
وکھرانہ میں وکھرانہ تو  
میں نور ، تو پرنور ہیں  
ساوٹ تو ، وسدی پھور میں  
جنگل تو ہیں ، ہاں مور میں  
ناں ہور تو ناناں ہور میں  
ہوٹا ہاں میں ، تو پور ہیں

میں مچل ہاں توں گلزار ہیں  
دُر میں ہاں توں دربار ہیں  
دلڑی میں ، توں دلدار ہیں  
جنت ہاں میں توں حور ہیں

جند جان دی جاگیر ہیں  
خواہاں دی توں تعبیر ہیں  
توں حسن دی تصویر ہیں  
ہر حال وچ منظور ہیں

وچ دل دے تیڈا پیار ہے  
عمر اں دا ہیلی یار ہے  
میڈے گلے دا بار ہے  
آساں دا بلدا طور ہیں

وچ دھپ دے گھٹا بوڑھ ہیں  
توں پاندھیال دی کوڑ ہیں  
خس کوڑ دی نہ محوڑ ہیں !

سختیا وڈا مشہور ہیں  
آڈھول سوہنٹا بل پوداں  
دکھرانہ رہ ، تھئی بہک ونجاں  
دل نال چا دل کوں رلاں

پرداں دے وچ مستور ہیں



کالیا بدلا دے کیڑھی کٹن مٹ لائی  
دوسرے ڈھولن دی تیں یاد جگانی

نہ وس بدلا دے پر نالے واہ پوسن  
پیارے موئیاں کوں کڈال سکھ دے ساہ پوسن

بس کر بدلا دے گھر ویہڑے بھر گئے ہن  
کفن پوا پھوڑیں، اچ کملے مر گئے ہن

کھنڈ و پنج بدلا دے کیڑھی پھاں تیں کیتی ہے  
موسم، بھراں دے رت جگر دی پیتی ہے

گھٹیا بدلا دے راہ ڈک نہ چانن دا  
درد جگا پھوڑی بے قدے ڈھولن دا

راہ ڈے بدلاوے ڈھگ تھیا اٹھا رہے  
قسم چو اٹھاویں میسکوں دلبر پیار رہے

ٹردیا بدلاوے کیڑھے پاسوں آیا میں  
ڈھول کوں آکھیں کیوں تھیا غیہ پر آیا میں

کالیا بدلاوے نہ مار توں چمکارے  
دلبر سوہنے تے پیا آہن جند وارے

---





مہینہ کیسے ٹو بجھے تارِ اول و طناں نوں  
آئیں کملی دیا یارِ اول و طناں نوں  
گھڑا چاواں رو رو باہواں  
ٹو بجھے دے پھیرے پاواں  
ہک بھٹ نہ لنگھے دلدارِ اول و طناں نوں  
میسکوں دردِ جدائی کھاوے  
دل چین نہ بھٹ دا پاوے  
بھیتاں جیوٹ توں لاچارِ اول و طناں نوں  
خوشیاں دے آئے ویلے  
کریاں تے پک گئے ڈیلے  
ہر پاسے ڈیکھ بہارِ اول و طناں نوں  
گھر بار میں چھوڑ دسارا  
جگ بھلیا سار پُسارا  
اکھ رووے زار و زارِ اول و طناں نوں

ہتھال مہندی نیت نیت لاواں  
اکھیاں وچ کچلا پاواں  
کراں سو ہٹا ہار سنگھار آول وطنان نوں  
درگا ہواں تے ڈیوے ہالے  
رب درد اندھارے ٹالے  
آئی اوکھاں نال بہار آول وطنان نوں

---



نال ہیراں دے ہیریاں لہڑیاں ڈھول آون دیاں آساں وڈیاں  
ویلے دے ہُن رنگ پھرے ہن  
رتے، پیلے ہیر کرے ہن  
ہیر چڑن کُن، سینگھیاں سڈیاں  
ڈھول آون دیاں آساں وڈیاں  
پردیساں توں گھس آون دا  
ویلا آیا مل باہون دا !  
رب آگے میں جھولیاں اڈیاں  
ڈھول آون دیاں آساں وڈیاں  
پلکاں نال پہاری ڈیساں  
کنڈرے، پتر چُن چُن چیساں  
کرساں ڈھولا چھاواں ٹھڈیاں  
ڈھول آون دیاں آساں وڈیاں

چڑھ چڑھ ہیر تے کندے پڑ گئے  
 ہنجاں دے ہن دریا ٹھہ گئے  
 تیا پسندا، ڈکھن ہڈیاں  
 ڈھول آوٹ دیاں آساں وڈیاں  
 اڈ اڈ چڑیاں شور مچایا  
 رو رو دلڑی حال و نجایا  
 آویں تاں ع ممکن تہڈیاں!  
 ڈھول آوٹ دیاں آساں وڈیاں



یاد ہم اومیس کوں سارے یاد ہن  
نال تیڈے ڈیہنہ گزارے یاد ہن

ٹہین تے پھیاں دا اڈا اڈا پوٹ  
موتیے دا سانولا گھنڈ کھولنا  
ون پونے کل نظرے یاد ہن

رات ڈیہنہ رستاں کوکھ ملھ باھوٹا  
جھاتیاں کندھاں توں پڑھ پڑھ پاوٹا  
تیڈے وعدے تیڈے لارے یاد ہن

نال رل مل کھیڈتا تے گاونا  
پیر چن چن ہیریاں دے کھاونا  
جو زمانے تیں دسارے یاد ہن

آس دی راہ تے اندھاری گھل گئی  
تیتڑے پچھے جیسا تے رُل گئی  
کیا تیکوں دردِ دل دے مارے یاد ہن ؟

یادِ ہم اومیکوں سا رے یادِ ہن  
نال تیتڑے ڈیہنہ گزرا رے یادِ ہن

---





مٹھڑی مٹھڑی وے سے پھور    دل ملنے کوں لاوے زور  
انگ انگ چوں پیاں خوشیاں و سن  
اکھیاں ڈسن ہا سے ڈسن  
کوں چھپاوے دل دا پھور    دل ملنے کوں لاوے زور  
ہسداں ہسداں نظر ہوا پوے  
وار نہ اول دا کوئی سا ہوے  
مکے جند دا سارا زور    دل ملنے کوں لاوے زور  
سوچاں تے خواہاں وچ آوے  
ہر دم میٹھے کوں ہا ہوے  
با جھ نہ اونڈے بھاڑے ہور    دل ملنے کوں لاوے زور  
او آوے تال چانن مھتوے  
خوشبواں دا آون مھتوے  
چار چدھاروں نچن مور    دل ملنے کوں لاوے زور

وسدی رُت پئی کھڑ کھڑ ہے  
یاد سچ دی نی سندر کھسے  
آس دے پھیاں پایا شور دل ملنے کوں لاوے زور  
سوہنے دی ہر گہل نرالی  
دار نہ اصلوں ونجے خالی  
نیت ترپاوے سوہٹی ٹور دل ملنے کوں لاوے زور  
من گھن منستاں آوے سانول  
بک جھٹ چر نہ لاوے سانول  
توں ڈاڈھساتے میں کمزور دل ملنے کوں لاوے زور



میں بھر و پھوڑے کھٹی وے ماہی گھن آ لمبی چھٹی وے  
تیدھی صورت کوں جند لو ہندی ہے  
اکھ رو رو کے رت چو ہندی ہے  
میڈھی سنگھی دردال گھٹی وے ماہی گھن آ لمبی چھٹی وے  
آون وے لارے لائے ہن  
غیراں تے پھیرے پائے ہن  
نہ بولال میں ہاں رٹھی وے ماہی گھن آ لمبی چھٹی وے  
گندال دا ساگ پکایا ع  
تے گھیو دا ترط کا لایا ع  
نالے چوری پیار دی کٹی وے ماہی گھن آ لمبی چھٹی وے  
اکھیال دا پانی مسکيا ع  
دل محلا رو رو مکيا ع  
میڈھی قیمت بھیڑی مٹھی وے ماہی گھن آ لمبی چھٹی وے

دلڑی دا چین تاروی ہیں  
عُمرال دہار سنگھاروی ہیں  
میں ہاجھ تہڑے ہاں ہٹی دے ماہی گھن آ لمبی چھٹی دے  
بہوں خوش خوش ہیں پوج پڑیاں  
آیا نہ توں میں مریاں !  
میٹھی آس بے ویاتڑی دے ماہی گھن آ لمبی چھٹی دے  
تیں پنیاں بے پروائیاں ہن  
نیں ساریاں گلاں ساہٹیاں ہن  
آڈے ونج سکھ دی جٹی دے ماہی گھن آ لمبی چھٹی دے



پھرے پئی مریندی آں گھڑاپئی بھریندی آں  
کھوہ میڈے ڈھول دا جوگ پئی ڈیندی آں  
گھڑا عیسے خیل دا

پاواں چولا ویل دا  
شوق آوے سیل دا

دلڑی ولیندی آں گھڑاپئی بھریندی آں

گھڑا آیا بھورتوں

صدقے میں ٹور توں

دل آ لے چور توں

جندڑی ٹیندی آں گھڑاپئی بھریندی آں

گھڑا ہے کلور دا

سکھ مجبور دا

ڈھول میڈا دُور دا

یاد پئی کریندی آں گھڑاپئی بھریندی آں

گھڑا میا نوالی دا

ذکر یا عالی دا

نیکیاں دے مالی دا

کھڑیاں پیندی آں گھڑاپئی بھریندی آں



گھڑا دیرے وال ہے  
 وڈا لچپال ہے  
 ڈکھاں دا نبھائیوال ہے  
 ماٹ پئی کریندی آں گھڑا پئی بھریندی آں  
 گھڑا آیا جھنگ دا  
 عماراں دے سنگ دا  
 دل پیا ونگ دا  
 بھیت پئی ڈسیندی آں گھڑا پئی بھریندی آں  
 گھڑا اُلتان دا  
 وڈی اچی شان دا  
 سکھ میڈی جان دا  
 چم چم چپیندی آں گھڑا پئی بھریندی آں  
 گھڑا احسن یار دا  
 حال ڈیوے پیار دا  
 من پیا مٹار دا  
 گھڑاں مریندی آں گھڑا پئی بھریندی آں





گھتا ہے میں تپڑے کٹ سانا تراڑا دے  
ڈڑیاں کوں پٹن پٹن تلیاں کوں ساڑا دے  
ڈڈاں دے تراڑے ہن کیتے کالے ہتھ دے  
یاداں تے خیال کڈھا جندری داست دے  
تپڑیاں اڈیکیاں ویہڑاؤ ساڑا اچاڑا دے  
ہنجواں کوں پونجھ پونجھ تھیا کالا مکھڑا  
لوکاں توں لکاواں کیوں تپڑا ڈونگھا ڈکھڑا  
کیڑھی گل پچھے کیستا دل پھوں کراڑا دے  
ایہا جئے دیلے آندے چراں پھوں دل دے  
دل وچ رہے دیندی دل والی گل دے  
آوٹا نہ آپٹاں تے کم چوکھا مارا دے  
ڈڈاں دے تراڑیاں دالنگھ ویسی ویلا دے  
اوکھاں نال ہوندا نال سچاں دے میلا دے  
تپڑیاں جدائیاں حال دل دا دکھاڑا دے  
اڈ اڈ پوہلی میسکوں کندے پئی ہے پوڑ دی  
ہنے ہنے ڈھینگری وی بوچھنا نیس چھوڑ دی  
دل مل پلایا ساراں خوشیاں تے دھاڑا دے



مہینہ نہ وِسیا کُنڈکاں مکیاں آساں یارِ ملُن دیاں مکیاں  
اُڈ دیاں ہن ہر پاسے ریتاں  
پیلے پائے پائے کھیتاں  
آندے آندے بدلیاں مکیاں آساں یارِ ملُن دیاں مکیاں  
آس نہ چیت بہاراں آلی  
نہ پکھیاں دے جھاراں آلی  
لوکاں بکھ بکھ شاخاں مکیاں آساں یارِ ملُن دیاں مکیاں  
دھپاں دے ہتھ چڑ گئی جندڑی  
پالٹ بن کے سر چڑ گئی جندڑی  
وچ سینے دے ساہواں مکیاں آساں یارِ ملُن دیاں مکیاں  
خوشیاں دا بہوں کال پیا ء  
دل دامنہ ڈرا حال تھیا ء  
کر کے پیار میں اُصلوں چکیاں آساں یارِ ملُن دیاں مکیاں  
بھٹ بدللاں دے آون واسے  
تار تھینون تھل ٹوبھے سارے  
راہون نال ء روتاں اُکیاں آساں یارِ ملُن دیاں مکیاں



ڈیہنہ لٹھیا، شاماں ڈھلیاں وے  
نپ سچٹاں را ہواں کھلیاں وے

دم میڈا ول ول گھٹ دا ہے  
پیا غم بندڑی کول لٹ دا ہے  
آسانجھ میسکوں ٹر چلیاں وے  
نپ سچٹاں را ہواں کھلیاں وے

رستاں وچ عم لنگھا ڈیواں  
عرتیں تے جان لٹ ڈیواں  
بس نال تیڈے میں بھلیاں وے  
نپ سچٹاں را ہواں کھلیاں وے

میں کملی، کو بھی ہنس دڑی آں  
سانول میں تیڈی بندڑی آں  
میڈا قبلہ، تیڈیاں گلیاں وے  
نپ سچٹاں را ہواں کھلیاں وے  
ڈیہنہ لٹھیا شاماں ڈھلیاں وے



پھل کلیاں خوشبو چن تاے      منظر تہڑے روپ دے ساے

مکھڑا تہڑا چن دا چانٹ  
کُنڈل زلفاں، وسدا ساوٹ  
جو بن تیں تے چیترا وارے  
منظر تہڑے روپ دے ساے

اکھیاں دا ہر تیر ہے کاری  
ہاں چیرے کچلے دی دھاری  
ڈیکھے ہیر ٹھا، جن دڑی والے  
منظر تہڑے روپ دے ساے

نور ہے تہڑا آسے پاسے  
گھنکھڑوٹلیاں تہڑے ہاسے  
ٹور نرالی دلڑی مھڑاے  
منظر تہڑے روپ دے ساے

گلشن تیبڑی لچپالی ہے  
تیں رنگاں دی بھابالی ہے  
پھل پھل تیبڑی نقش اتارے  
منظر تیبڑے رُوپ دے سارے

توں سرگِ داسوہٹا ویلا  
تیبڑے نال خوشی دامیلا  
آویں تھیون دُور انھارے  
منظر تیبڑے رُوپ دے سارے

گاواں تیبڑے ہر دم ڈھولے  
حسن صدقے واری گھولے  
تیبڑے ہتھ قسمت دے تارے  
منظر تیبڑے رُوپ دے سارے





کُن مِٹ کُن مِٹ خواب جگاؤن کنڑیاں دے  
تُوں آویں مجبور منادِون خوشیاں دے

ہوٹاں بد لے رنگ جوانی آ لے ہن  
سوہنے چنگے سنگ جوانی آ لے ہن  
دل کملے کوں دُرس کیویں سمجھاواں دے !

ہر پاسے منظر ہے چیت بہاراں دا  
دل آیا ہے جو بن گل گلزاراں دا  
کے تیں تیں پڑیاں راہواں ملھ ملھ ہاواں دے

ساوے ساوے رکھ پئے راہواں تکرے ہن  
شاخاں اُتے گاکا بکھی تنھک دے ہن  
سُن گھن اُجڑے دل دیاں سکھیاں ہاواں دے

دیہڑے دیہڑے چڑیاں شور مچایا ہے  
ویلا سوہنٹا، یار ملن دا آیا ہے !  
جندڑی کوں ترساؤن تیں پڑیاں یاداں دے

تُوں آویں مجبور منادِون خوشیاں دے



در فصل جبری

تأثرات

## شیر افضل جعفری

میانوالی قلمیں پالی ادب ڈالی اے۔ اس اُتے سندھ نہیں دے بتیئے تے  
 ادیب موتے، چنبے رنبیل آر کھڑدن۔ اس چیر جالی دی پٹولی جھولی اچ  
 ہیرٹھے گل مچھل تر دے پئے ہن، اُونہاں دچوں ہک پھل سلیم آسن دی اے۔  
 ایہہ فن تمن سرائیکی داسانول، غزلاں داسہانول گیتاں داگانول تے کافیاں  
 دارانول اے۔ ڈوب جے بھجے اچ سلیم آسن نوں غزل دا بھاگ، گیت دا بھاگ، کافی  
 دا بھاگ تے نظم دا مساک آکھٹا دی ٹھنڈا اے۔  
 اس دردی، کوئل کوئل کوک، کونج کوئل کڑلاٹ، پیسے کوئل پی کہاں اے  
 کے سندھڑے نوں سُھیا اے۔

اس پیار پتی دی غزل، سسی پنل تسی دادراگ وین، اس گن جیت دا  
 پریت گیت، سوہنی موت موہنی دی پکارا تے اس دی کنوار کافی ادھ کٹھی کتوری  
 دی پھرک تڑپ اے۔

میانوالی جٹے مریلے ضلع دے اُچے ٹپیاں تے رہ کے پتھراں دیاں پڑیاں  
 اُتے بہ کے، چھیٹھاڑ دیاں دھپاں سہ کے، سندھ دی دیہند اچ ویہہ کے، مونجھیاں

من مونہڑیاں غزلاں، نمن جھونٹیاں نظماں، گیرے گمبھیر گیت، کیمیاں کجلیاں  
 کانیاں کہہ کے ادب دے بل تھل نول جل تھل کزنا قسمت آئے کوی داکم  
 ہوندا اے۔ اس پوکھری کوت پوتھی پڑھ پڑھ چھ کے پار کھ دادل آدھا اے کیوں  
 اڈ کے دنگاں تے احسن ماہی دے سوز دامتھا بسم اللہ کر کے چم لوال۔ اس بیونٹ  
 جو گے جوان نول اللہ مولا آپنے دھیان امان اچ رکھیا تاں ادب دے آسمان دا  
 ایہہ تارا اکھیں ڈیدھیاں چوڑھویں دا چن بٹ ویسی۔

سُر ملی سرائیکی دی سُر تھی سرکار سلیم احسن! شالاں چراں تاہیں چین دیاں چڑیاں  
 اڈائیں۔ توں یں مست قلندر دامتھا تے مٹ بھانوناں شاعر ایں۔



## محمد اسلم رسولپوری

پرفیسر سلیم احسن دی سرائیکی شاعری نویں فکر دی نمائندہ اے۔ اتے اوندے دچ  
 عصری تقاضیں دا پورا پورا شعور موجود اے۔ جدید فکر نال جدید ڈکشن اتے اظہار دی  
 بے ساختگی سلیم احسن دی غزل دیاں نمایاں خصوصیات ہن۔ ایندے علاوہ جذبے دی  
 شدت، سوہنے لفظیں دا انتخاب اتے چست بندش اوندے اثر دچ پیادوی اضافہ  
 کر دتے۔ شعری مٹھاس اتے دیھیں لہجے اونکوں سرائیکی تہذیب ثقافت نال ہم آہنگ  
 کرن دچ اہم کردار ادا کیتے۔  
 میکوں یقین اے سلیم احسن دی اچ دی ایہہ شاعری اُنھیں دے روشن مستقبل  
 دی ضمانت اے۔

## محسن نقوی

سلیم آحن سرایگی زبان دے انہیں قد آور شاعر دی قطار دچ ہک نوکلاناں  
 ہیرٹھے نویں نکور جذبہئیں دی سادٹ سندرہ روانی دے سامنے ساہ دی کت دھاسار  
 کے خیال دی شو عوچ وگھریے ہوئے موتیں کوں لفظیں دے ہک دچ کٹھا کر کے  
 اوکھے اندھاریں دے اوچھٹن عوچ ٹیکے ہوئے کوکین کوں پیار پرکھرے دی بشارت  
 ڈیولن عوچ مصروف عن،

سلیم آحن دافن اوندے اندر دی سوچ دے سچ دا عینی شاہد بن کے اوندے  
 ہر شعر کوں ہمیشگی داسراغ ڈیندے تے اوندے لفظیں کوں زمانے دے نال نال زندہ  
 رہن دا گر سکھیندے۔

سلیم دی غزل پرٹھ کے ایں واسطے وی خوشی بھیندی جو اوندائی تجبہ  
 اُدھارنیں تے ناں کئی لفظ اوپر اے، اوندی شاعری دے سارے منظر، سارے موسم  
 سارے ذائقے تے سارے زاویے اوندی آپنی دھیان دھرتی دی کچی پکی مٹی دی  
 ملکیت تے امانت عن، اوپرانی اکھ نال خواب ڈیکھن دا عادی نیں تے ناں پرانے  
 خواب چوری کر کے آپنی اکھ کوں شک دے عذاب عوچ مبتلا کریندے۔ اوندے  
 شعریں دی شہ رگ عوچ چ ارد گرد دے ماحول دے سارے استعارے ساہ بھٹ کے  
 تندیر دار سفر کریندن، اوکوں آپنی ذات دے کشف دی ہر علامت دا پورا پورا گیان  
 حاصل عوچ — ذات دا کشف، ہیرٹھا فن تے فنکار دے درمیان اعتماد دے  
 عہد نامے دا ڈو جھاناں عوچ،

مختصر لفظیں عوچ سلیم آحن دی شاعری جوان جذبے، تنکھے تجربے، منہ زور شاہدے



تے ہو لباسِ نفیس دی ہک اینجی دستاویز چیکوں پڑھ کے مہلا ڈیوٹ دا سوال  
 ہی پدائیں ہوندا۔ رب کرے سلیم آسن تے اوندی شاعری دی دسری دسری بھوک سوچیں دے  
 سو جھلے دی چھاں عروج امن منیدی رہوے تے قیامت تیں بیاتی ہنڈیندی رہوے۔ (ایمن)



## ڈاکٹر طاہر تونسوی

سلیم آسن دی شاعری ریت تے روایت دی شاعری ہے جیندے وچ اوندی  
 وسیب پورے پس منظر وچ بھاتیاں پیندا ڈس دے۔ اوندے تخلیقی اظہار  
 وچ وسیب دیاں ساریاں کالھیں، سارے ڈکھ سکھ، سارے منظر، گھاٹے جنگل، مچھل  
 کلیاں، گجرے شینہ، چڑھدے لہندے ڈیہنہ دھمدیاں راتیں، گھٹدے ددھدے  
 تارے، بدلال دے لشکارے، ساوٹ دے آلاڑے، مقل مارودی تترپی ریت،  
 سستی دیاں دھانواں، عاشق دیاں کڑلاہٹاں، پیار دے ڈھولے، پتلاں دے  
 اوے، بجرے صحرا، فراق دے دکھڑے دھوڑے، نشتی غمی دے سانجھے گوڑے  
 رشتے، سولاں وات، جندڑی، یادال دے کچھی، آس نراس دے راستے، ہوادے  
 ہوکے، دریں دے داجھلونڑے، بیاتی دے دکھو دکھ، نویں تے لحظہ لحظہ بدکدے  
 ہوئے سارے رقیے پورے فنی شعور ناں موجود نظر آندن۔ سوکلی وات جندڑی تے  
 غماں دے پہاڑوی ڈھپوون تاں دت وی آس دا ڈیوانیئیں دسمدا۔ عشق تے  
 شوق دا مسافر کتھائیں دی نیں تھکدا۔ ڈکھ دے رستے خود منڈل تے گھن ویندن۔

سلیم آحسن انہیں نرم تے کوئل جذبیں کول شعر دی شیریں تے ماکھی آلی کار مٹھی زبان  
 ڈتی اے جھڑھی پڑھن آ لے کول سچی تے جیتی خوشی دا احساس ڈیندی اے۔ ایں  
 حوالے نال اوندا اے شعری اظہار ہکے وسیب دی نمائندگی دے حوالے نال ساڈا  
 سانجھا اظہار بن ویندے۔ میں سمجھاں اظہار تے بیان دی ایں طرح دی کامیابی  
 بہوں گھٹ شاعریں دے حقے وچ آندی اے۔ تساں آپ آپنے ایمان نال  
 ڈساؤ کیا سلیم آحسن تہاڈے جذبیں تے تہاڈے سوچیں کو زبان نیں ڈتی۔ ہے  
 اے کالج سو فی صد سچ ہے تاں ول سلیم آحسن تہاڈا ساڈا سب دا شاعر ہے۔ ساڈے  
 وسیب، ساڈی زبان تے ساڈے ساریں روئیں دا اچلتے سچا شاعر۔



## پروفیسر منور علی ملک

جکھر جھولیاں دا تھل دے نال او بارشتہ اے جھڑھا ڈینہہ دے نال پچھانویں  
 دا۔ موسم گرمی دا ہووے یا سردی دا۔ تھل دی کھلی ریت کول کئیں پاسے قراریں آندا۔  
 ریت تے ہوا دی ایں پھیر پھاڑ جکھر جھولے بن کے تھل دے لوکاں دی حیاتی دا ہک  
 حصہ بن گئی اے۔

جکھر جھولے وچ تھل دیاں سانولیاں صورتاں دا سلوٹ تے انہاں صورتاں دے  
 سراں تے رکھے کورے ٹھڈے گھڑیاں دی ٹھڈا یوں رچ گئی اے جو ہر شعر تھل دی  
 ہک بانگی نار بن تے سکدا، شرماندا، سناٹے آگئے۔ تھل دی ایں ماہولی تصویر اچھ



صرف رنگ ای محفوظ نہیں آوازاں تے خوشنواں دا وی ہک پورا تھل آباد اے۔  
 سیئیں سلیم آسن اپنیاں علامتاں تھل دی مٹی توں ہنجواں نال پُسا کے تراشدے ہن۔  
 ایں واسطے ہر شعر دے پچھے ہک افسانہ جھاتیاں پیندا نظر آندے۔



## ممتاز حیدر ڈاھر

جدید سرایتی شاعری وچ سلیم آسن دا نال آپنے منفرد ہجے تے اسلوب دی  
 وجہ توں ہک نوکیلی حیثیت رکھیندے۔ اول آپنی دھرتی، ثقافت تے وسیب توں  
 تشبیہاں، استعارے تے اظہار دے حوالے گدھن۔ اول نے شاعری دی کلاسیکی روایت  
 کوں نویں مفہوم دا واقف کیتے اوندی شاعری دے سارے موسمِ محبت دے موسم ہن۔  
 محبت دے ایہہ حوالے ذاتی دی ہن تے آفاقی دی۔

غزل، سرایتی شاعری دی معتبر ترین صنف عرتے سلیم آسن نے غزل کوں  
 ودھیک پروقار بناتے غزل تے اساڈے ایمان کوں مستحکم کیتے۔ اوندی غزل چ روایت  
 دے رچاؤ تے جدیدیت دے آہنگ دا خوبصورت ملاپ موجود ہے۔  
 ”جکھڑ جھولے“ سرایتی شاعری وچ سوہنا ودھارا ہے۔



## شیماسیال

تھل داسیال داسرائیکی ادب دی تخلیق تے تعمیر اچ نوکیلا کردار ہے۔ ایں دیلے  
 امتحان ہک بہوں وڈا ادبی قبیلہ ساڈی مٹھری زبان دے ادب تے ثقافت کوں  
 نزدیک کرٹ اچ معروف ہے۔ سلیم آحن وی ہن قبیلے دا ہک قد آور ناں ہے۔ ہیرٹھا  
 ہک عرصے کنوں مختلف صنفاں دے حوالے نال سرائیکی کوں اگو نہاں کرٹ اچ نمایاں  
 کردار ادا کریندے۔ تھل جائے سلیم آحن دی شاعری وچ صحراواں دی وسعت تے  
 تھل کنوں پاسا کرتے منگھن آئے دریاں دی دھک لے۔ ”جکھڑ جھوٹے“ تھل دا  
 مقدر لے تے ایندے نشا بر اثرات سلیم دی شاعری وچ دی محسوس کیتے درج سگدن۔  
 ادب جوش تے جذبے دے نال نال نرم تے گولے انسانی رویاں کوں وی موضوع سخن  
 بنیندے۔ اوندے شعر تپدے تھلاں وچ محبتاں دے جکھڑ تے مٹھا دلین دے  
 جھولے ہن ہیرٹھے پتھر دلین کوں وی موم کر ڈیندن تے انسان دے لوں لوں  
 تے انگ وچ ٹھڈ وال بھر ڈیندن۔ آپنی شاعری وچ سلیم نے تخلیق عمل دانوکیلا  
 انداز تے بہتاں دے استعمال دانواں ڈھنگ اختیار کیتے۔ تھل دا مخصوص ماحول  
 تے لب ولہجہ اوندی شاعری دی سنجان ہے تے اوندی کلام درداں تے ویکیاں مارے  
 دلاں اچوں نکلن آلی گنگھام گوک لے ہیرٹھی کوہاں، میلاں دے پندھ کرنیدی لے۔  
 سلیم غزل، نظم، گیت تے شاعری دیاں ہیا سبھے صنفاں تے پوری طرحاں قادر ہے۔  
 مستقبل دا سلیم آحن سرائیکی دا ہک بھرپور تے نمائندہ شاعر ہے ہیرٹھا دھرتی تے  
 وسیب دی ترجمانی دے سانگے نال ہمیشاں زندہ راہسی۔

میانوالی دی زبان دا کوئی ناں ناہی۔ سلیم احسن  
 دی شاعری نے اس نوں سرایتی منوا گدا اے۔  
 ایہہ شاعری پڑھ کے میں سچینا، اس توں چنگا،  
 اس زبان دا ناں کوئی ہو نہیں۔ سلیم احسن نوں سلام  
 ہووے جیں آپنی جیندی، جاگدی، مٹھی تے سوہنی  
 شاعری کر کے آپنی زبان نوں ہک ناں ڈدایا تے  
 اس دا ناں کیتا۔


”جکھر جھولے“ میانوالی زبان یعنی اس  
 سرایتی دا پہلا شعری مجموعہ اے۔ اُنج دی ایہہ  
 پہلے نمبر دی شاعری اے۔

محمد اجمل نیازی






محمد سلیم احسن وزیراعظم پاکستان محمد خان  
جونيجو سے خواجہ غلام فرید قومی ایوارڈ وصول کرتے  
ہوئے۔)



خواجہ غلام فرید قومی ایوارڈ کا چیک



جینداں جی مل بھا نہ پوون  
ڈکھیاں دے سکھ راہ نہ پوون  
ڈپوا احسن سانجھ کے ہالیں  
جکھر جھولے آ نہ پوون

میانوالی اکیڈمی۔ میانوالی

0300-6093323

0334-3744777